

## Član 2.

(Stupanje na snagu)

Ova odluka stupa na snagu osmog dana od dana objavlivanja u "Službenim novinama Kantona Sarajevo".

Broj 01-04-21167/22  
24. maja 2022. godine  
Sarajevo

Predsjedavajući  
Skupštine Kantona Sarajevo  
Elvedin Okerić, s. r.

Na osnovu čl. 18. tač. b) i k), 29. stav (1) tačka e) i 38. stav (1) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04, 6/13 i 31/17), čl. 40. stav (5) i 41. Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", br. 86/07, 24/09, 44/10 i 30/16) i Poglavlja II tač. 11. i 12. Procedura zaduživanja Kantona Sarajevo na osnovu unutrašnjeg i vanjskog duga i izdavanja garancija ("Službene novine Kantona Sarajevo", br. 10/11 i 07/19), Skupština Kantona Sarajevo na 52. Radnoj sjednici, održanoj dana 24.05.2022. godine, donijela je

## ODLUKA

**O PRIHVATANJU ZADUŽENJA PO UGOVORU O  
ZAJMU IZMEĐU BOSNE I HERCEGOVINE I  
EVROPSKE BANKE ZA OBNOVU I RAZVOJ (EBRD)  
ZA PROJEKAT "JAVNI PREVOZ SARAJEVO E-  
MOBILITY"**

## I

Prihvata se zaduženje Kantona Sarajevo (u daljem tekstu: Kanton) po Ugovoru o zajmu između Bosne i Hercegovine (u daljem tekstu: BiH) i Evropske banke za obnovu i razvoj (u daljem tekstu: EBRD) za Projekat "Javni prevoz Sarajevo e-Mobility", u iznosu do 17.000.000 EUR.

## II

Svrha Projekta je rješavanje jednog od ključnih izazova u razvoju infrastrukture javnog prijevoza u Sarajevu, poboljšanjem pristupa čistom gradskom prijevozu, kao i poboljšanjem tačnosti, kapaciteta i učinkovitosti usluga javnog prijevoza. Također se odnosi i na rješavanje prioritarnih pitanja zaštite okoliša koja se odnose na kvalitet zraka kroz promociju upotrebe javnog prijevoza.

Projekt se sastoji od:

- Nabavke i instalacije adaptivnog sistema upravljanja saobraćajem, uključujući izgradnju zgrade centra za upravljanje saobraćajem i
- Nabavke tramvaja i relevantne pripadajuće opreme za održavanje.

## III

Sredstva zajma iz tačke I ove odluke prihvataju se u formi vanjskog indirektnog duga, pod sljedećim uslovima:

- iznos zajma - 17.000.000,00 EUR
  - rok otplate - 15 godina
  - grace period - 3 godine (uključen u rok otplate zajma)
  - kamatna stopa - šestomjesečni Euribor + 1% marža, na godišnjem nivou
  - dospjeća - polugodišnje, u jednakim otplatama glavnice (na dan 20. februar i 20. august)
  - jednokratna provizija - 1% na iznos glavnice zajma
- Zajam se sastoji od dvije tranše, kako slijedi:

Tranša 1.: 7.000.000,00 EUR  
Tranša 2.: 10.000.000,00 EUR

Iznos provizije na raspoloživa, a neisplaćena sredstva će biti 0,5% godišnje.

## IV

Potvrđuje se da je razmatrana dokumentacija prihvatljiva za Kanton:

- Potpisan Zapisnik sa tehničkih konsultacija sa EBRD-om od 01.12.2021. godine (Obavijest Ministarstva finansija i trezora Bosne i Hercegovine broj 06-21-1-4147-25/21 od 20.12.2021. godine po kojoj se Zapisnik sa tehničkih konsultacija smatra Zapisnikom sa pregovora)
- Nacrt ugovora o zajmu između Bosne i Hercegovine i EBRD-a
- Nacrt ugovora o podršci zajma između Kantona i EBRD-a
- Nacrt projektnog ugovora između Ministarstva saobraćaja Kantona i EBRD-a

## V

Sredstva zajma iz tačke I ove odluke, prenijet će se na Kanton potpisivanjem podugovora o zajmu između Federacije BiH i Kantona. Navedenim podugovorom Federacija BiH će prenijeti prava i obaveze na Kanton pod istim uslovima, a u skladu sa odredbama Ugovora o zajmu.

## VI

Daje se saglasnost za zaključivanje podugovora o zajmu između Federacije BiH i Kantona, ugovora o podršci zajma između Kantona i EBRD-a i projektnog ugovora između Ministarstva saobraćaja Kantona i EBRD-a, za zajam iz tačke I ove odluke.

Daje se ovlaštenje premijeru Kantona da potpiše podugovor o zajmu sa Federacijom BiH, kao i instrumente obezbjeđenja Zajma koji proizilaze iz podugovora.

Daje se ovlaštenje premijeru Kantona da potpiše ugovor o podršci zajma sa EBRD-om.

Daje se ovlaštenje ministru Ministarstva saobraćaja Kantona da potpiše projektni ugovor sa EBRD-om.

## VII

U svrhu redovne otplate Zajma, Kanton je saglasan da Federacija BiH, u slučaju neredovnog ispunjavanja obaveza po Zajmu, bez upozorenja može dospjele obaveze direktno naplatiti sa računa javnih prihoda, i to iz dijela prihoda koji pripadaju Kantonu.

Kanton se obavezuje da će u svrhu naplate svih potraživanja po ovom zajmu, Federaciji BiH dostaviti bjanko mjenice sa klauzulom "bez protesta" i Mjeničnom izvjavom ovjerenom i potpisanom od strane premijera Kantona.

Kanton ovlašćuje Federaciju BiH da primljene bjanko mjenice može koristiti za naplatu dospjelog potraživanja.

## VIII

U periodu dospjeća obaveza po Zajmu potrebno je iz budžeta Kantona osigurati sredstva za servisiranje obaveza po Zajmu.

Dotatna sredstva za plaćanje PDV-a, carine i drugih naknada u periodu implementacije Projekta obezbjeđit će Ministarstvo saobraćaja Kantona.

## IX

Za realizaciju ove odluke i izvještavanje zadužuju se Ministarstvo finansija Kantona i Ministarstvo saobraćaja Kantona, svako u okviru svoje nadležnosti.

## X

Implementacija Ugovora o zajmu, iz tačke I ove odluke, zahtijeva donošenje novih i/ili izmjenu postojećih propisa.

## XI

Ova odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-04-21398/22  
24. maja 2022. godine  
Sarajevo

Predsjedavajući  
Skupštine Kantona Sarajevo  
Elvedin Okerić, s. r.

Na osnovu čl. 18. tačka m) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04 i 6/13) i člana 119. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22 - Ispravka), Skupština Kantona Sarajevo je na 52. Radnoj sjednici održanoj dana 24.05.2022. godine donijela

## ODLUKU

O USVAJANJU PROGRAMA UREĐENJA  
GRAĐEVINSKOG ZEMLJIŠTA I REALIZACIJE  
KAPITALNIH INVESTICIJA ZA 2022. GODINU

## I

Usvaja se Program uređenja građevinskog zemljišta i realizacije kapitalnih investicija za 2022. godinu, koji je sastavni dio ove Odluke.

## II

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-04-21399/22  
24. maja 2022. godine  
Sarajevo

Predsjedavajući  
Skupštine Kantona Sarajevo  
Elvedin Okerić, s. r.

Na osnovu čl. 18. tačka m) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04 i 6/13) i člana 119. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22 - Ispravka), Skupština Kantona Sarajevo je na 52. Radnoj sjednici održanoj dana 24.05.2022. godine donijela

PROGRAM  
UREĐENJA GRAĐEVINSKOG ZEMLJIŠTA I  
REALIZACIJE KAPITALNIH INVESTICIJA  
ZA 2022. GODINU

## I

Program uređenja građevinskog zemljišta i realizacije kapitalnih investicija za 2022. godinu (u daljem tekstu: Program) obuhvata planirane aktivnosti Zavoda za izgradnju Kantona Sarajevo (u daljem tekstu: Zavod) na uređenju (pripremanje i opremanje) građevinskog zemljišta i realizaciji kapitalnih investicija tokom 2022. godine.

## II

Uređenje građevinskog zemljišta po ovom programu finansira se:

1. iz sredstava investitora naplaćenih po ugovorima o naknadi za uređenje gradskog građevinskog zemljišta zaključno sa 31.12.2021. godine;

2. iz sredstava naplaćenih po osnovu rješenja Općina o preuzimanju zemljišta na kojem je nosilac prava raspolaganja Zavod za izgradnju Kantona Sarajevo;
3. prodajom zemljišta na kojem je nosilac prava raspolaganja Zavod za izgradnju Kantona Sarajevo putem licitacije i neposredne pogodbe na osnovu Zakona o stvarnim pravima radi privođenja zemljišta krajnjoj namjeni;
4. iz sredstava koja Zavod ostvari obavljanjem povjerenih poslova za Kanton, općine i druga pravna lica;
5. iz sredstava koje su Kanton i Općine doznačile na račun uređenja gradskog građevinskog zemljišta nakon prelaska na Trezor (od 01.01.2017. godine).

## III

Sredstva za realizaciju kapitalnih investicija putem Zavoda osiguravaju njihovi investitori.

## IV

Sredstva iz tačke II iznose **17.785.355,00 KM** i koriste će se:

1.	Za realizaciju Programa uređenja građevinskog zemljišta prema prilogu 1.,	7.900.645,00 KM
2.	Za naknadu za ekspropisane nekretnine i naknadu šteta iz osnova uređenja građevinskog zemljišta prema prilogu 2.,	5.669.396,00 KM
3.	Za investiciono i tekuće održavanje zamjenskih stanova i zamjenskih poslovnih prostora-izdaci za energiju i komunalne usluge.	400.000,00 KM
4.	Za digitalizaciju, održavanje katastra komunalnih uređaja i dogradnju softverske i hardverske opreme, izradu nove aplikacije za provođenje promjena katastra komunalnih uređaja, angažovanje spoljnih saradnika.	400.000,00 KM
5.	Rješavanje imovinsko pravnih odnosa za regulaciju rijeke Bosne u sarajevskom polju na području općine Novi Grad, Sarajevo, za dionicu korita od P30-P69 u dužini od 1957,99 metara.	300.000,00 KM
6.	Rješavanje imovinsko pravnih odnosa na regulaciji rijeke Željeznice na području općine Ilidža.	700.000,00 KM
7.	Angažovanje sudskih vještaka za potrebe izuzimanja zemljišta.	140.000,00 KM
8.	Memorijalni centar Potočari. Sanacija i adaptacija dijela upravne zgrade iznad krova prvog sprata, pa do krova iznad petog sprata.	322.554,00 KM
9.	Pribavljanje projektnih rješenja i angažovanje spoljnih saradnika potrebnih za izgradnju, rekonstrukciju, adaptaciju i opremanje u svrhu privođenja krajnjoj namjeni nekretnina Zavoda za izgradnju Kantona Sarajevo.	1.952.760,00 KM

## V

Sredstva iz tačke II koriste će se isključivo prema namjeni za koju su određena na način i pod uslovima utvrđenim u aktu o odobravanju sredstava za određenu svrhu.

## VI

Sredstva uređenja građevinskog zemljišta naplaćena za jedan lokalitet mogu se koristiti za uređenje drugog lokaliteta, pod uslovom da se time ne dovodi u pitanje uređenje građevinskog zemljišta na lokalitetu za čije su uređenje naplaćena.

## VII

Program sprovodi Zavod.

U sprovođenju Programa, u dijelu koji se finansira sredstvima Kantona, Zavod će zaključivati ugovore s trećim licima i voditi postupke u ime i za račun Kantona kada Kanton osigura sredstva za tu svrhu.

Sprovođenje Programa Zavod će uskladiti sa sprovođenjem Odluka o građevinskom zemljištu i Programa uređenja građevinskog zemljišta Općina u Kantonu Sarajevo.